

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Durangoko Merinaldearen Amankomunazgoa**

Durangoko Merinaldearen Amankomunazgoko herrietako merkataritza, ostalaritza eta zerbitzuen arloetan kanpoko errotuluak eta webguneak euskaraz jartzeagatik diru-laguntzak emateko oinarri arautzaile espezifikoaren aldaketaren behin betiko onespena.

Osoko Bilkurak, bi mila eta hamazazpiko ekainaren hamabostean egindako ohiko bileran, erabaki zuen hasiera batean onestea Durangoko Merinaldearen Amankomunazgoko herrietako merkataritza, ostalaritza eta zerbitzuen arloetan kanpoko errotuluak eta webguneak euskaraz jartzeagatik diru-laguntzak emateko oinarri arautzaile espezifikoaren aldaketa.

Espedientea jendaurrean jarri da ekainaren 27ko 122/2017 Bizkaiko Aldizkari Ofizialean argitaratutako eta iragarki-taulan jarritako iragarkiaren bitartez eta hogeita hamar egun balioduneko epean; alabaina, ez da erreklamazio eta iradokizunik aurkeztu. Hortaz, orain arte behin-behinekoa zen erabakia behin betikotzat hartu dela joko da, Toki Araubidearen Oinarriak arautzen dituen apirilaren 2ko 7/1985 Legearen 49. artikuluan bat etorritik, oinarrien aldaketaren testu osoa argitaratuko da Bizkaiko Aldizkari Ofizialean.

Hirugarren oinarriaren (lehenengo paragrafoa), Seigarren oinarriaren (lehenengo paragrafoa), zazpigarren oinarria eta hamargarren oinarriaren (lehenengo paragrafoa) aldaketa argitaratzeko oinarrien testu finkatura gehituz egin da eragile juridikoek errazago erabil dezaten.

**DURANGOKO MERINALDEAREN AMANKOMUNAZGOKO HERRIETAKO MERKATARITZA,
OSTALARITZA ETA ZERBITZUEN ARLOETAN KANPOKO ERROTULUAK
ETA WEBGUNEAK EUSKARAZ JARTZEAGATIK
DIRU-LAGUNTZAK EMATEKO OINARRI ARAUTZAILEAK**

1. Xedea

Oinarri hauen xedea honakoa da: diru-laguntzak emateko oinarriak arautzea, Durangoko Merinaldearen Amankomunazgoko udalerrietan merkataritza, ostalaritza eta zerbitzuetako establezimenduek errotuluak eta webguneak euskaraz jartzeagatik.

2. Diru-laguntzen baldintzak eta helburua

Diru-laguntzen helburua izango da, merkataritzan, ostalaritzan eta zerbitzuetan diharduten eta enpresa txikitzat jotzen diren establezimenduen kanpoko errotuluak eta webguneak deialdiari dagokion urte naturalean euskaraz jartzea, Durangoko Merinaldearen Amankomunazgoaren udalerrietan.

Kanpoko errotuluek eta webguneek honako baldintza hauek bete behar dituzte:

- a) Errotulua edo webgunea zuzen idatzita egongo da.
- b) Bi hizkuntza ofizialak agertzen diren errotulu eta webguneetan, euskararen presentzia gutxienez gaztelaniaren parekoa izan behar da.
- c) Webguneen kasuan, orri nagusia euskaraz irekiko da.
- d) Ez da onartuko hizkera edo irudi sexistak erabiltzea, ez eta gizonen eta emakumeen roleri dagokienez erabilera estereotipaturik erabiltzea ere, otsailaren 18ko Emakumeen eta Gizonen berdintasunerako 4/2005 Legean xedatutakoari jarraituz.

Ez dute diru-laguntzarik jasoko izen propioak, toponimoak, akronimoak, abizenak edo izen komertzial neutroak baino agertzen ez dituzten errotuluek.



Amankomunazgoaren Euskara Zerbitzuak doako aholkularitza zerbitzua eskainiko die interesatuei: euskera.mdurango@bizkaia.org.

Telefonoa: 946 232 522.

3. Onuradunak

1. Deialdi honek eskainitako diru-laguntzen onura jaso ahal izango dute baldintza hauek betetzen dituzten pertsona fisiko nahiz juridikoek:

a) Merkataritzako, ostalaritzako edo zerbitzuetako establezimendua izatea eta jarduera enpresa txikitat jotakoa izatea; hau da, 50 langile baino gehiago ez izatea.

b) Establezimendua Durangoko Merinaldearen Amankomunazgoaren Euskara Zerbitzua osatzen duten udalerrietakoren batean egotea: Abadiño, Atxondo, Berriz, Durango, Elorrio, Iurreta, Izurtza, Mañaria edo Zaldibar.

c) Diru-laguntzei buruzko 38/2003 Lege Orokorraren 13. artikuluko eskakizunak betetzea.

d) Administrazio-zehapenik edo zehapen penalik ez jaso izana sexua dela-eta inor bazterteagatik edo, Emakumeen eta Gizonen arteko Berdintasunerako 4/2005 Legeak ezarritako diru-laguntzetan aurkezteko debekurik ez izatea.

e) Diruz lagun daitekeen jarduera gauzatzea, eta seigarren puntuan zehazten diren dokumentuak aurkeztea.

2. Finantza-erakundeak, hipermerkatuak eta establezimendu-kate handiak ezin izango dira onuradun izan.

Era berean, diru-laguntza honetatik kanpo geratuko dira administrazio publiko baten edo batzuen partaidetza duten erakundeak.

4. Aurrekontu-kreditua

Aurrekontu-ekitaldi bakoitzerako zuzkidura ekonomikoa dagokion urteko deialdian zehaztuko da, eta adierazitako aurrekontu-xedapenaren kargura joango da.

5. Diruz laguntzeko moduko gastuak

1. Diruz laguntzeko moduko gastutzat hartzen dira diruz lagundutako jarduerarekin lotura duten gastuak; betiere, deialdiari dagokion urte naturalekoak badira. Diruz laguntzeko gastuen eskuratzeko-kostua ezin izango da inoiz merkatuko balioa baino handiagoa izan.

Justifikazio epea amaitu baino lehen ordaindutako gastua joko da egindako gastutzat.

2. Zergak diruz lagun daitezkeen gastuak dira, baldin eta onuradunak diruz ordaintzen baditu. Zeharkako zergak ez dira, inola ere, diruz lagun daitezkeen gastutzat joko, berreskuratzeko edo konpentsatzeko modukoak direnean, ezta errentaren gaineko zerga pertsonalak ere.

6. Eskabideak aurkezteko era eta epea

Diru-laguntzen eskabideak eredu ofizialean (I. Eranskina) aurkeztuko dira, Amankomunazgoaren Erregistro Nagusian (Astola etxea 26, Abadiño). Era berean, Administrazio Publikoen Administrazio Prozedura Erkideari buruzko urriaren 1eko 39/2015 Legeak 16. artikuluan arautzen duen moduren batean ere aurkez daitezke eskabideak.

Eskabideak eta agiri osagarriak Bizkaiko Aldizkari Ofizialean argitaratutako deialdian adierazitako epean aurkeztu beharko dira.

Eskabidearekin batera aurkeztu beharreko agiri eta informazioak

Diru-laguntza eskabidea guztiz beteta eta sinatuta egon beharko da, eta, horrekin batera, agiri osagarri hauek aurkeztu beharko dira:

1. Pertsona fisikoak: autonomoek nahitaez aurkeztu behar dute NAN edo legez haren ordezkaria den agiria.

**2. Pertsona juridikoak:**

- Entitatea eratzeko eskritura eta, kasu bada, estatutuen edo eraketa-aktaren moldaketena, jardueraren araubidea jasota. Dagokion Erregistro Publikoan inskribatuta egon beharko da, pertsona juridiko motaren arabera.
- Erakundearen IFKren kopia.
- Entitatearen ordezkariaren ahalorde eskritura edo izendapenarena, eta ordezkariaren NAN.
- Langile kopuruari buruzko erantzukizunpeko aitorpena.

3. Zerga-betebeharrak eta Gizarte Segurantzarekikoak egunean dituela dioten ziurtagiriak.

4. Legezko ordezkariaren erantzukizunpeko aitorpena, diru-laguntzak eskuratzetik ezgaituta ez dagoela esanez. (II. Eranskina).

5. Erantzukizunpeko aitorpena, xede berbererako beste erakunde publiko edo pribatu batzuei eskatutako edo haiengandik jasotako diru-laguntzak adieraziz. (III. Eranskina).

6. Titulartasuneko kontua, banku-erakundeak behar bezala ziurtatuta. (IV. Eranskina).

7. Faktura originala eta ordaindu dela ziurtatzen duten agiriak. Faktura horrek deialdiari dagokion urte naturalekoa izan beharko du, eta legez eskatzen diren betekizunak bete beharko ditu.

8. Elementua jarrita dagoela frogatzen duen argazkia. Webguneen kasuan, helbide elektronikoa jakinarazi beharko da.

7. Eskabidea zuzentzea

Eskabideak hutsuneak baditu edo oinarri arautzaile hauetan ageri diren baldintzak bete ez baditu, organo eskudunak interesatuari eskatuko dio akatsak zuzen ditzan, gehienez ere, 10 eguneko epean. Horrez gain, jakinarazi egingo zaio, zuzenketarik egin ezean, eskabideari uko egin diola ulertuko duela Administrazioak, horretarako ebazpena bidali ondoren; Administrazio Publikoen Administrazio Prozedura Erkideari buruzko urriaren 1eko 39/2015 Legearen 68. artikuluari eta Diru-laguntzei buruzko azaroaren 17ko 38/2003 Lege Orokorraren 23.5 artikuluari jarraiki.

8. Diru-laguntzen zenbatekoa**1. Diru-laguntzen hasierako esleipena honela egingo da:**

- Kanpoko errotuluak eta webguneak euskaraz: Kanpoko errotulazioa edo webguneak euskara hutsez jartzeagatik gastuaren %50eko diru-laguntza emango da. Gehienez ere, bostehun euro jaso ahal izango dira.
- Kanpoko errotuluak eta webguneak euskaraz eta gaztelaniaz: Kanpoko errotulazioa edo webguneak euskaraz eta gaztelaniaz jartzeagatik gastuaren %25eko diru-laguntza emango da; betiere, euskara lehenesten bada. Gehienez ere, berrehun eta berrogeita hamar euro jaso ahal izango dira. Errotuluetan, euskara lehenesteko letra tamaina edota testuaren kokapena baliatuko dira eta, webguneen kasuan, orria euskaraz irekiko da.

2. Aitzitik, diru-laguntza hauei esleitutako kreditua diru-laguntzak emateko beste-koa ez bada, eskari guztien artean proportzionalki hainbanatuko da.

3. Diru-laguntzaren zenbatekoak, berak bakarrik zein beste administrazio publiko zein erakunde publiko edo pribatu batzuen diru-laguntza edo laguntzekin batera, ezin izango du, inola ere, onuradunak egingo duen jardueraren kostu osoa gainditu. Diru-sarrerera eta gastuen justifikazioa aztertutakoan gehiegizko finantziarioa egon dela ikusi bada, gehiegizko diru-sarreraren zenbatekoa kenduko zaio diru-laguntzari.

**9. Diru-laguntzaren emakida izapidetu, proposatu eta ebazteko eskumena duten organoak**

Kudeaketa-zerbitzuari dagokio prozedura izapidetzea.

Diru-laguntzak emateko onespena eta ebazpena egiteko organo eskuduna presidentea edo hark eskuordetutako organoa izango da, Kultura, Euskara, Kirol eta Kontsumoko Informazio Batzordeak proposatuta; betiere, zerbitzu teknikoak horri buruzko txostena egin ostean.

10. Ebazpena jakinarazteko epea

Administrazio Publikoen Administrazio Prozedura Erkideari buruzko urriaren 1eko 39/2015 Legearen 40. artikuluan ezarritakoa oinarri hartuta jakinaraziko zaie interesdunei emakidaren ebazpena. Jakinarazpen edo argitalpen hori gauzatzeko aipatutako Legearen 43. artikuluan agertzen diren xedapenak bete beharko dira.

Erakunde onuradunak zeintzuk diren eta eman diren laguntzak zenbatekoak diren adieraziko da ebazpenean, eta beren-beregi aipatuko da gainerako eskabideak ez direla onartu.

Prozeduraren ebazpena egiteko eta jakinarazteko gehieneko epea sei hilabetekoa izango da, dagokion deialdia argitaratu eta biharamunetik zenbatzen hasita.

Epe hori amaitu eta ebazpena jakinarazi ez bada, interesdunek diru-laguntza emateko eskabidea administrazioaren isiltasunaren bitartez ezetsizat jo ahal izango dute.

Administrazio bideari amaiera ematen dion ebazpenaren aurka, interesdunek aukerako berraztertze errekurtsoa aurkeztu ahal izango diote presidenteari, hilabeteko epean, ebazpena egiten den egunetik aurrera zenbatzen hasita; edo, zuzenean, administrazioarekiko auzi-errekurtsoa jarri ahal izango dute administrazioarekiko auzien Bilboko epaitegian, bi hilabeteko epean. Dena dela, interesdunek egoki irizitako beste edozein errekurtso aurkez dezakete.

11. Emandako diru-laguntza ordaintzeko modua

Diru-laguntzak emateko ebazpena egin dela jakinarazten denean, diru-laguntza osorik ordainduko da.

Diru-laguntza ez da ordainduko pertsona edo erakunde onuradunak beste diru-laguntzaren bat justifikatu gabe baldin badu eta justifikatzeko epe hori amaituta badago. Era berean, diru-laguntza ez da ordainduko, pertsonak edo erakundeak aurreko diru-laguntzaren bat itzuli ez badu, hala eskatu zaionean.

12. Inguruabarrak aldatzea

Diru-laguntza emateko kontuan hartu diren baldintzetan aldaketa nabarmenik egonez gero, ebazpena ere aldatu egin ahal izango da.

13. Bestelako diru-laguntzekiko bateragarritasuna

Amankomunazgoak emandako diru-laguntzak bateragarriak izango dira beste edozein administrazio edo erakunde publiko edo pribatuk helburu berbererako emandako bestelako diru-laguntza, laguntza, diru-sarrera edo baliabideekin, baina inola ere ezin izango da gehiegizko finantziatorik egon.

14. Erakunde onuradunen betebeharrak

Oinarri hauen arabera diru-laguntza eskuratuko duten erakundeek diru-laguntzen arloan aplikatu beharreko araudian ezarritako betebeharrak izango dituzte eta, batez ere, 38/2003 Legearen 14. artikuluan adierazitakoak. Besteak beste, honako betebeharrak izango dituzte:

1. Finantza-kontrolerako eta egiaztapenerako jarduerak onartzea, eta eskatuko zaizkion datuak ematea.

2. Beste administrazio edo erakunde publiko zein pribatu batzuek helburu bererako bestelako diru-laguntza edo laguntzarik eman duten jakinaraztea.



3. Diru-laguntza eta bere aplikazioa behar bezala justifikatzea.
4. Eska litezkeen kontabilitate-agiriak izatea, egiaztapen- eta kontrol-jarduerak behar bezala egin ahal izateko, horrelakorik egotekotan.
5. Jasotako fondoak zertarako baliatu diren justifikatzen duten agiriak gordetzea, agiri elektronikoak barne, egiaztapen- eta kontrol-jarduerak egitea gerta litekeen bitartean.
6. Jasotako fondoak itzultzea, Diru-laguntzei buruzko azaroaren 17ko 38/2003 Lege Orokorrean ezarritako kasuetan, bertan adierazitakoa betez.

15. Oinarrien interpretazioa

Presidentea edo berak eskuordetutako organoa izango da oinarri hauek aplikatzen sor litezkeen arazoak interpretatu eta ebazteko organo eskuduna, eta horretarako beharrezko ebazpen osagarriak emango dituena.

16. Aplikatu beharreko arategia

Oinarri hauetan aurreikusten ez diren puntuetan, honako hauek nahiz aplikagarria izan daitekeen gainerako legedia ezarriko da: Durangoko Merinaldearen Amankomunazgoaren Diru-laguntzen Ordenantza Orokorra; 38/2003 Lege Orokorra, azaroaren 17koa, Diru-laguntzei buruzkoa; eta, uztailaren 21eko 887/2006 Errege Dekretua, Diru-laguntzei buruzko azaroaren 17ko 38/2003 Lege Orokorraren Araudia onetsi duena.

Abadiñon, 2017ko abuztuaren 11n.—Jarduneko presidentea, Eva María Muñoz Ira-suegi